

貴州山泉志

閔

貴州山泉志

複製說明

《貴州山泉志》，明嘉靖時慎蒙撰，原名《貴陽山泉志》，以本書涉及範圍，非僅貴陽一地，故更今名。現據上海圖書館藏《續說郛》本複製。

撰者係明封建王朝監察御史，是封建地主階級當權派，在搜集資料的範圍和取舍上，以及問題的提法上，都是站在地主階級的立場上的。複製本書，主要是供領導同志及有關單位參攷，

故除校正個別明顯的錯別字以外，餘均照原本刻印，請批評指正。

承上海圖書館借給藏本，謹此致謝。

貴州省圖書館

一九六六年五月

貴州山泉志目錄

木閣箐山 宣慰司

養龍坑 宣慰司養龍長官司

大岩山 務川縣

蝸溪疊岩

銅關鐵寨山 黎平府潭溪長官司

銅鼓岩 黎平府

羅團洞 黎平府

八部山 普安州

羅磨塔山 普安州

三一溪 普安州

水洞 普安州

關索嶺 安順府頂營司

蔡苗山 新添衛

都勻洞 都勻長官司

白水河 安莊衛

棲霞山 宣慰司

南望山 宣慰司

萬勝山 思南府

石屏山 鎮遠府

鐵溪 鎮遠府

甘梗泉 銅仁府 平頭司

摩天嶺 黎平府

天生橋

天生橋 程番府 金筑 安撫司

九溪河

旗山

貴州山泉志
谷峽山 龍里衛大平伐司

木稀山

響水河

盤江山 安南衛

白石崖 安南衛

木案山 清平衛凱里安撫司

貴州山泉志

吳興慎蒙

木閣箐山

木閣箐山在宣慰司城西四十里。林木蒼蔚，水西之境由此而入。

養龍坑

養龍坑在長官司兩山之間，泓渟翕深，靈物藏其下。當春初，和暢夷人立柳坑畔，擇牝馬之貞者繫之，已而雲霧晦冥，類有物蜿蜒與馬接，其產必龍駒。本

朝洪武四年偽夏明昇降獻良馬十其一白者乃得
之於此首高九尺長丈餘不可控御詔祀馬祖然後
敕典牧者囊沙四百斤壓而乘之行苑中久漸馴習
後將行夕月之禮於清涼山乘之如躡雲一塵弗驚
賜名飛越峰且命繪形藏焉翰林學士宋濂為之贊

大岩山

大岩山在務川縣東八十里山有一岩深邃可容百
餘人時多遊翫於此

蝸溪疊岩

蝸溪疊岩在府西一百二十里峻壁間有一石門泉
從中出歲旱禱之風雨驟作

銅關鐵寨山

銅關鐵寨山在潭溪長官司西南其山高峻上頗平
廣可容千人三面據險惟南可登

銅鼓岩

銅鼓岩在黎平府城東北二十里有洞高大如屋深
遠可三里中有溪水橫流

羅團洞

羅團洞在府城東北一十五里洞門寬大傍有石磴如牀可容二百餘人

八部山

八部山在普安州城東三十里諸峰皆石矗然摩空

羅磨塔山

羅磨塔山在州城北一百八十里四面峭壁上有寨惟一徑可達東北瞰盤江

三一溪

三一溪在州治東其源有三一出沙莊一出雲南坡

一出目前山三流合一入于城南

水洞

水洞外狹內廣其巔有通明處其中懸崖怪石狀若人獸清奇可翫

關索嶺

關索嶺在頂營長官司治東勢極高峻周迴百餘里
上有關索廟因名

蔡苗山

蔡苗山在新添衛城東北一十里上有泉懸崖飛下

宛如玉虹名曰飛泉

都勻洞

都勻洞在都勻長官司東一十里前門北向高廣俱一丈五尺後門南向高廣四五尺洞中亂石狀如象鼻雜草叢生

白水河

白水河在安莊衛城南三十里懸崖飛瀑直下數十仞為河湍激若雷平日雲霧塞其下

棲霞山

棲霞山府城東山半有洞曰來仙頗幽勝

南望山

南望山府城北深林大箐嵐氣晝昏人跡罕到

萬勝山

萬勝山在思南府城南四面斗絕紅巾之亂郡人避
兵於此

石屏山

石屏山鎮遠府治在其下山巔有石高百丈許端直
蒼潤如屏

鐵溪

鐵溪在府城西產異蟹

甘梗泉

泉在平頭司石崖中一源湧出清濁分流有似涇渭之狀

摩天嶺

在黎平府城東

天生橋

一石跨潭溪廣二丈許長二十餘丈

又

金筑安撫司界石壁千仞環繞如城水徑其下信天
造也

九溪河

衛城東南溪流九曲綠陰夾岸每歲上巳日土人浴
此

旗山

山在衛城東南形勢峻拔

谷峽山

谷峽山在大平伐司危峰峭壁惟一徑可通為兩司之界

木稀山

山在衛城東危崖陡峻石磴崎嶇僅容一馬記稱要扼之地

響水河

衛城東懸崖飛瀑數十仞有聲如雷下注成河一碧萬頃

盤江山

山在安南衛城東與安莊衛接界石路屈曲上下峻險

白石崖

衛城西南層崖峭壁幽藤飛瀑夏月過此清寒逼人真物外佳境也

木案山

凱里安撫司城東茂林脩竹青翠如屏嶂

六
少
山
大
三

一

二

三

四

五

六

七

八

九

